



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՇԻՐԱԿԻ ՄԱՐԶԻ ԱԽՈՒՐՅԱՆ ՀԱՄԱՅՆՔԻ  
ԱՎԱԳԱՆՈՒ ՈՐՈՇՈՒՄ**

30 հուլիսի 2024 թվական թիվ 162-Ա

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱԽՈՒՐՅԱՆ ՀԱՄԱՅՆՔԻ  
ՍԵՓԱԿԱՆՈՒԹՅՈՒՆԸ ՀԱՆԴԻՍԱՑՈՂ 08-0108-0025-0068 ԿԱԴԱՍՏՐԱՅԻՆ  
ՇԱԾԿԱԳՐՈՎ ՀՈՂԱՄԱՍԻ ՎՐԱ ՔԱՂԱՔԱՅԻ ՎԱՐԴԱՆ ԼԵՎՈՆԻ ՀԱՅՐԱՊԵՏՅԱՆԻ  
ԿՈՂՄԻՑ ԻՆՔՆԱԿԱՄ ԿԱՌՈՒՑՎԱԾ ՕՐԻՆԱԿԱՆ ՃԱՆԱԶՎԱԾ ԵՎ ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱԽՈՒՐՅԱՆ ՀԱՄԱՅՆՔԻ  
ՍԵՓԱԿԱՆՈՒԹՅՈՒՆԸ ՀԱՄԱՐՎԱԾ ԱՆԱՄՆԱՇԵՆՔԸ ԵՎ ԴՐԱ ՊԱՀՊԱՆՄԱՆ ՈՒ  
ՍՊԱՍԱՐԿՄԱՆ ՀԱՄԱՐ ՆԱԽԱՏԵՍՎԱԾ ՀՈՂԱՄԱՍԸ ԳՆՄԱՆ ՆԱԽԱՊԱՏՎՈՒԹՅԱՆ  
ԻՐԱՎՈՒՆՔՈՎ ՈՒՂՂԱԿԻ ՎԱՃԱՌՔՈՎ ԿԱՌՈՒՑԱՊԱՏՈՂԻՆ ՕՏԱՐԵԼՈՒ ՄԱՍԻՆ**

Ղեկավարվելով «Տեղական ինքնակառավարման մասին» օրենքի 18-րդ հոդվածի 1-ին մասի 21-րդ կետի, հողային օրենսգրքի 66-րդ հոդվածի 1-ին մասի 4-րդ կետի, Հայաստանի Հանրապետության կառավարության 2006 թվականի մայիսի 18-ի թիվ 912-Ն որոշմամբ հաստատված կարգի 35.1 և 39-րդ կետերի դրույթներով, ինչպես նաև հիմք ընդունելով, որ ինքնակամ շինությունն իրականացրած քաղաքացին՝ Հայաստանի Հանրապետության Շիրակի մարզի Ախուրյան համայնքի Վահրամաբերդ գյուղի բնակիչ՝ Վարդան Լևոնի Հայրապետյանը 2024 թվականի մայիսի 8-ի իր դիմումով ընդունել է Հայաստանի Հանրապետության օրենսդրությամբ սահմանված կարգով օրինական ճանաչված և համայնքի սեփականությունը համարված 73,24 քառակուսի մետր արտաքին մակերեսով անասնաշենքի, ինչպես նաև դրա պահպանման ու սպասարկման համար նախատեսված համայնքի սեփականությունը հանդիսացող 08-108-0025-0068 կադաստրային ծածկագրով 0,014496 հեկտար մակերեսով բնակավայրերի նպատակային նշանակության, բնակելի կառուցապատման գործառնական նշանակության հողամասի ուղղակի վաճառքով, գնման նախապատվության իրավունքով ձեռք բերելու առաջարկությունը և հաշվի առնելով Հայաստանի Հանրապետության Շիրակի մարզի Ախուրյան համայնքի ղեկավարի առաջարկությունը՝ Հայաստանի Հանրապետության Շիրակի մարզի Ախուրյան համայնքի ավագանին որոշում է՝

1. Ընդունել Հայաստանի Հանրապետության Շիրակի մարզի Ախուրյան համայնքի ղեկավարի առաջարկությունը և Հայաստանի Հանրապետության Շիրակի մարզի Ախուրյան համայնքի սեփականությունը համարված, ինքնակամ կառուցված և օրինական ճանաչված 73,24 քառակուսի մետր արտաքին մակերեսով անասնաշենքը, ինչպես նաև դրա պահպանման ու սպասարկման համար նախատեսված 08-0108-0025-0068 կադաստրային ծածկագրով 0,014496 հեկտար մակերեսով բնակավայրերի նպատակային նշանակության, բնակելի կառուցապատման գործառնական նշանակության հողամասը (անշարժ գույքի հասցեն՝ Հայաստանի Հանրապետություն, Շիրակի մարզ Ախուրյան համայնք, գյուղ Վահրամաբերդ, Բյուրակն թաղամաս, 2-րդ խճուղի, 20/2 անասնաշենք,



իրավունքների պետական գրանցման վկայական թիվ 12072024-08-0030) ուղղակի վաճառքով, գնման նախապատվության իրավունքով՝ 202679 (երկու հարյուր երկու հազար վեց հարյուր յոթանասունինը) դրամ արժեքով, որից՝ 128024 (մեկ հարյուր քսանութե հազար քսանչորս) դրամը շինության արժեքն է, իսկ 74655 (յոթանասունչորս հազար վեց հարյուր հիսունհինգ) դրամը՝ հողամասի, օտարել կառուցապատողին՝ քաղաքացի Վարդան Լևոնի Հայրապետյանին:

2. Հայաստանի Հանրապետության Շիրակի մարզի Ախուրյան համայնքի ղեկավարին՝

1) Սույն որոշման 1-ին կետում նշված վաճառքի ընդհանուր գնին հավելել տվյալ գույքային միավորի նկատմամբ, մինչև օտարումը համայնքի անվամբ գույքային իրավունքների պետական գրանցման համար իրականացված վճարները՝ վճարման անդորրագրերի հիման վրա,

2) Հայաստանի Հանրապետության օրենսդրությամբ սահմանված կարգով քաղաքացու հետ կնքել անշարժ գույքի առուվաճառքի պայմանագիր և ապահովել սույն որոշումից բխող իրավունքների պետական գրանցումը՝ քաղաքացու միջոցներով:

3. Սույն որոշումն ուժի մեջ է մտնում քաղաքացի Վարդան Լևոնի Հայրապետյանին պատշաճ ծանուցելու օրվան հաջորդող օրվանից:

**Հայաստանի Հանրապետության Շիրակի մարզի Ախուրյան համայնքի ավագանու անդամներ՝**

Կողմ - 21

Դեմ - 0

Ձեռնպահ - 0

Ֆ. ԱՆՏՈՆՅԱՆ  
Հ. ԱՌԱՔԵԼՅԱՆ  
Վ. ԱՐՇԱԿՅԱՆ  
Հ. ԳԵՎՈՐԳՅԱՆ  
Շ. ԵՂԻԱԶԱՐՅԱՆ  
Վ. ԹՈՐՈՅԱՆ  
Ս. ՀՈՎՀԱՆՆԻՍՅԱՆ  
Վ. ՀՈՎՀԱՆՆԻՍՅԱՆ  
Մ. ՄԱԹՈՍՅԱՆ  
Ա. ՄԱՆՈՒԿՅԱՆ  
Զ. ՄԱՆՈՒԿՅԱՆ  
Ա. ՄԿՐՏՉՅԱՆ  
Գ. ՄԿՐՏՉՅԱՆ  
Մ. ՄԱՅՅԱՆ  
Ն. ՄՈՒՇԵՂՅԱՆ  
Ա. ՄՔՈՅԱՆ  
Կ. ՆԵՐՍԻՍՅԱՆ  
Ա. ՉԱԼՈՅԱՆ  
Թ. ՍԱՀԱԿՅԱՆ  
Ս. ՍԻՄՈՆՅԱՆ  
Թ. ՍՈՒՎԱՐՅԱՆ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՇԻՐԱԿԻ ՄԱՐԶԻ ԱԽՈՒՐՅԱՆ  
ՀԱՄԱՅՆՔԻ ՂԵԿԱՎԱՐ՝**



**Ձ. ՄԱՆՈՒԿՅԱՆ**

30 հուլիսի 2024 թվական  
գյուղ Ախուրյան